

Al margen Escudo del Estado de México.

E GERARDO MONROY SERRANO, NU SECRETARIO DE EDUCACIÓN, NZI RA JÑUNS'Ī NUK'A NI JMAMA 5 NEJE 78 K'A NU CONSTITUCIÓN DEL ESTADO LIBRE Y SOBERANO DE MÉXICO; 3, 15, 19 NI TS'AB'Ī VI, 29, 30 YO NI TS'AB'Ī XIV NEJE XXVII K'A NU LEY ORGÁNICA DE LA ADMINISTRACIÓN PÚBLICA DEL ESTADO DE MÉXICO; YO NI JMAMA 3 NI TS'AB'Ī XI, 5, 10, 11 NI TS'AB'Ī I, 12 NI TS'AB'Ī I, NEJE II NEJE 17 NI TS'AB'Ī IV K'A NU LEY DE DESARROLLO SOCIAL DEL ESTADO DE MÉXICO; 6 NI TS'AB'Ī XI, 8 NI TS'AB'Ī III, 9 NI TS'AB'Ī III, 18, 19, 20 NEJE 26 K'A NU REGLAMENTO LEY DE DESARROLLO SOCIAL DEL ESTADO DE MÉXICO; 11, 12 YO NI TS'AB'Ī VI NEJE IX NEJE 27 NI TS'AB'Ī II UNU REGLAMENTO DE BECAS; 1 NEJE 6 YO NI TS'AB'Ī X NEJE XIV UN REGLAMENTO INTERIOR DE LA SECRETARÍA DE EDUCACIÓN NEJE 3 NEJE 7 NI TS'AB'Ī VII NUYO LINEAMIENTOS GENERALES UN COMITÉ DE SELECCIÓN NEJE ASIGNACIÓN DE BECAS, NEJE

NZI RA NGEJE

Un Asamblea General de la Organización de las Naciones Unidas (ONU), o nrree un kjéé 2015 un Agenda 2030 ri kjaa Desarrollo Sostenible na ngeje naja Jmurb'épji k'í ni jnuu yo tee, un xoñijómĭ neje un ri nara yo jñiñi.

Un Agenda k'í juns'Ī 17 Objetivos de Desarrollo Sostenible (ODS) ko 169 b'épji ri tsjaji textjo neje dya sóo ri juakiji k'a yo pjeko nde ma b'épji k'a jñiñi neje k'a xoñijómĭ, nzi ra kjaa, un Objetivo 4 ni mama Tjizí na Joo nzi ra ngejnu neeji ri xónpĭji na joo textjoji neje ri tsjaji na joo ri mbara pama pama textjoji.

Nujnu b'épji ni Nara na Joo yo Jñiñi n i mama un Nante Alfredo Del Mazo Maza, Tarkete k's Jñiñi a Ts'ib'onrro nzakja k'o juns'Ī k'a ni dyenje ri nuji textjoji neje ri nuji ja ri tsjaji, ri pjóxteji ri ñuji ja ri nara texto yo tee k'a jñiñi a Ts'ib'onrro.

Nzi ra mama un b'épji ni chjuu Plan de Desarrollo del Estado de México (PDEM) 2017-2023, nzi x ori mamabi un Agenda 2030 neje ODS ka nda n i mama un Pilar Social: Estado de México Socialmente Responsable, Solidario e Incluyente, ra nuu ja ni kjaa neje ja kjaa yo tee dyapje ni ndejme, neje dya ni chjéjtjoji, nzi x ora nup'Ī na joo yo kjuanzakĭ yo tee, ma ngextjo yo nrrixu; nzi ri jñus'Ī k'a b'ezhe 1.3 ka mama Ri Tsjaji: Ri unĭjini textjoji ri tsjapĭji ra mbaraji na joo kk'a textjoji un zakĭ neje k'a mama Ja ri Tsjaji 1.3.8 k'a mama: "Ri nataji na punkjĭ k'o unĭtjoji k'o kja ri unĭji xóri tr'ii k'o ri mamaji ra ndójó ri tsjaji.

Pa sóo ri tsjaa un b'épji yo tee k'a jñiñi a Ts'ib'onrro mama Estrategias Familias Fuertes (EFF), k'a ri pjóxteji k'a ni maa nrreze rin ara yo tee k'a jñiñi k'a nzina nzina ri teeji, pa sóo ri tsjaji yo pjeko nde ma b'e'pji ri b'ós'Ī yo tee k'a jñiñi, ri tsjapĭji ri mbés'ĭji yo kjuanzakĭ yo te eneje k'o ra mbós'ĭji ri ngaraji na joo un zakĭ yo tee a Ts'ib'onrro, k'a nziyojo ri tsjaji nzakja ma ri ngich'ĭji, si ziji jñónĭ, ri xónpĭji neje ri mbés'ĭji yo ngumĭ.

Nzi nu b'épji EFF ri mébi ko yo ODS ri ngins'i yo b'épji un Agenda 2030 k'o mama un Programa de Naciones Unidas para el Desarrollo (PNUD), nzi ra mama ri ngins'ĭ un Ley de Desarrollo Social a Ts'ib'onrro, k'a ri tsjapĭji ri chjéjui yo Reglas de Operación yo b'épji tsjapĭ rin ara yo tee yo tee ka jñiñi un Secretaría de Educación, k'o nzi ra xipji un Consejo de Investigación y Evaluación

de la Política Social (CIEPS).

Nzi ngeje nu Programa de Desarrollo Social Beca Olimpiada del Conocimiento Infantil, ni mébi k'o ODS 4: Sjóri na Joo, nzi ri mbós'i yo nee ri ngins'iji , 4.1 Ri tsjap'iji tetrjo yo tr'i ñeje yo xutr'i ri ngins'iji yo otr'i ñeje na yeje sjóri, k'a dya ri ts'óntr'i, ri chjétjoi neje ra joo neje ri nata ra pjong'iji k'o ri pjéchiji; 4.3 Ri tsjap'iji ri ngich'i tetrjoi mzi ri b'ézo neje nzi ri rrixu ri xónp'iji k'o na tajo, ta nu ngeje Ndaxóri k'a Universidad neje 4.5 Ri ngis'iji k'o dya ni nuji yo b'ézo neje ri rrixu k'a sjóri ñeje ri tsjap'iji tetrjo ri ngich'iji a sjóri nrreze k'a otr'i ta nu ndasjóri yo tee pje ni ndejme, neje yo tee k'o dya ri dy'nijs'éji, yo tee k'a jñiñi tetjo ñatjo neje yo tr'i neje xutr'i k'o ri ts'ap'i na sóo nzi ra jñuns'i k'a Agenda 2030.

Nzi ra ngeje nu PDEM. Nuk'a Xinch'i d'aja. Ri chjétjoi yo rrixu nzi ri b'ézo, nzi ra rrixu k'o ni mébi nu jñaaxoñijóm'i ma ri tsjap'iji; ri ngeje k'o otr'i ri saja ra tsjaa yo arkete, k'o ma ri tsjaji exti ri ngeje k'a b'épji yo tee k'a jñiñi.

Nzi ra chépi ri pépjiji ma ri chjétjoi yo rrixu nzi yo b'ézo xipji ri nuji ja ri ngari ri chétjoi ri Nuji na joo neje Ch'uniji yo b'éjña nzi yo b'ézo nuk'a ri mbeñe, ri tsjaji neje ri nuji ja ni mbes'é yo b'épji tee k'a jñiñi, pa ri na joo ri nuji ri ngich'iji ri ch'uniji neje ri chjétjoi tetrjoi.

Nzi ra kjaaxo meryo pa nzi ra rrixu nzi ri b'ézo nee ra tsjap'i ri chjétjoi yo b'ézo neje yo rrixu, sóo ri uniji na joo yo meryo, k'o ri tsjap'iji ra kjaaxo na joo ri ngaraji k'a jñiñi neje meryo, ngekua akjanu, xo kua'tiji k'a yo Reglas de Operación k'a yo b'épji yo tee k'a jñiñi pa dya xi nda ri ngara dya ri jyéjéji.

Nzi ra chépi neje ri ngextjoi ngeje k'o k'ap'i na joo ri pjóxteji yo ngub'épji arkete yo tee k'a jñiñi o dya ri ngeje nu a B'onrró, Ts'ib'onrró neje ka yo Jñiñi.

Nzi ra ngeje nu EFF sis'i nu Metodología Multidimensional de Medición de Pobreza k'o tsjap'i o b'ib'i nu Consejo Nacional de Evaluación de Política de Desarrollo Social (CONEVAL), neje jmama b'ezhe, k'o pébi yo ninata yo tee k'a jñiñi, k'o pjons'iji k'a Instituto Nacional de Estadística y Geografía (INEGI), nu Consejo Nacional de Población (CONAPO) neje nu Consejo Estatal de Población (COESPO), neje dyaja ngunb'épji, k'o neeji yo b'épji k'ap'i ri nata yo tee k'a jñiñi ra tsjap'i dya xi ri jyéjé ri ngaraji yo tee kanra a Ts'ib'onrró.

Nzi ra jñus'i b'ezhe k'a IGECM, ma nu kjésjóri 2020-2021, a Ts'ib'onrró o nuji k'a otr'i sjóri 1 783 617 xóri, k'a na yeje sjóri o nuji 876 940 xóri, nu ka nrrée nata sjóri o nuji 653 989 xóri; neje k'a ndasjóri licenciatura o nuji 423 886 xóri.

Ma nu Secretaría de Educación nee ri ngins'i ra nuu neje ja ri tsjaji yo b'épji sjóri nzi ra mama nu Arkete a Ts'ib'onrró, pa ri xónp'iji tetrjo yo tee k'ajñiñi, nzi ra ngeje yo jnee mib'i yo tee, neje na tajo, pa ri b'ib'i arkete na zézhi neje ri kjaaxo sjóri pa tetrjoi, ri chjéjui neje ri tajo k'o ri tsjap'i ri pjéchiji tetrjo k'a zak'i.

Pa na joo ri m'ar'i nu padya nu ra chónjui k'a Olimpiada del Conocimiento Infantil, sóo ra panraji ja nrreze ga tsjaji. Nu kjéé 1961 o mb'iri ba tsjaji nu chonjui na nu tetrjo a B'ondo pa sóo bi jnuu neje ri mbarpaji yo b'épji yo córi ndeze paa kjéé dyech'a d'aja neje dyech'a yeje kjéé, k'o xóri k'o sas'a paa na ñ'anto kjéé, k'o matr'iji ra chónji ba, k'i pje ndeba chjunsp'iji nzakja "Ruta de la Independencia", "Concurso Nacional para el reconocimiento a la excelencia y desempeño en el sexto grado de educación primaria", ta ngeje mo kjéé 1993, mo p'nbiji nu trjuu a "Olimpiada del

Conocimiento Infantil”.

Mo saja nu kjéé 2019, na punkjĩ 300 000 xóri mi paa xóri ñ'anto kjéé a Ts'ib'onrró o Chónjóji, nbe ngextrjo 74 xóri o nrrónjóji ba, neje angezeji, nzina nzina ni jñii xóri bi dyenjeji ngunxórl k'o jara k'a b'atrji.

Numo ngeje kjéé 2020, nu Arkete a Ts'ib'onrró o ch'unĩ 110 yo beka k'o nrrónjóji k'a Olimpiada del Conocimiento neje tsjatjo yepeji ba ch'unĩ 367 pa xi ro xóritjóji mbe xi ro ngikítjóji na joo nu sjóri nzi ba dyórpítjóji.

Akjanu, nu a Ts'ib'onrró, nu ngunb'épji ni dyenje ra tsjaa nu B'épji na ngeje nu Subsecretaría de Educación Básica, neje nrreze mi 2001 mo mbĩri o tsjatjóji nu chónjui na nu Unidad de Planeación, Evaluación y Control Escolar, k'ĩ mi ens'é kjo ra sis'i, nzi kja un Coordinador Estatal del Concurso k'ĩ jmama.

Nzi na mama k'a bo ngejmeji CSyAB-004-ORD-2022, o jmama nuk'a Primera Sesión Ordinaria nu jñite paa nu otr'i zana nu kjéé 2022, nu Comité de Selección y Asignación de Becas, o ngejme tetrjóji, ro pótriji yo Reglas de Operación de Desarrollo Social “Beca EDOMÉX Olimpiada del Conocimiento Infantil”.

Ni ra ngeje nu xiskuama 21100012000000L/RO-018/2022 nu dyote yenko paa nu kjéé 2022, nu Dirección General de Bienestar y Fortalecimiento Familiar, nzi ra jñus'ĩ k'a nu Reglamento nuka Ley de Desarrollo Social del Estado de México, k'o unĩ sjétsi.

Nzi ra ngeje nu xiskömĩ k'o pjons'iji nu dyote nzincho paa nu otr'i zana nu kjéé 2022, nu Comisión Estatal de Mejora Regulatoria, nzi ra mama nu Ley para la Mejora Regulatoria del Estado de México y Municipios neje nu reglamento, o pjons'iji k'o mamaji nzi ra ngeje yo Reglas de Operación; ngekua akjanu, pjongiji nu:

NUK'O NGEJEME NU SECRETARÍA DE EDUCACIÓN, K'O NI PJONS'ĪJI YO B'ÓRĪ YO REGLAS DE OPERACIÓN NU PROGRAMA DE DESARROLLO SOCIAL “BECA EDOMÉX OLIMPIADA DEL COMOCIMIENTO INFANTIL”, MBO RA NGEJME AKJABA:

YO REGLAS DE OPERACIÓN NU PROGRAMA DE DESARROLLO SOCIAL “BECA EDOMÉX OLIMPIADA DEL CONOCIMIENTO INFANTIL”

1. Nuk'o ni mantjóji

1.1. Mamaji ja ri kjaa nu B'épji

Nu Programa de Desarrollo Social Beca EDOMÉX Olimpiada del Conocimiento Infantil, nee ra tsjaa ra nutpiji na joo yo m'arĩ yo xóri k'o kjins'i dyech'a naja neje dyech'a yeje kjéé k'o xóri ñ'anto kjéé neje ri mbarpiji yo xóri ko to xi sis'itjóji natjo nu sjóriji, k'o ri untjóji yo beka.

2. Yo kjuanzakĩ tee k'o nuji

Sjóri neje dya kjo ri zob'ĩ tee.

3. Jmurjña

Pa sóo ri m'arĩ yo Reglas de Operación, ri mbaraji akjaba:

- a) **Beca:** Ngeje nu meryo k'o uní yo arkete sjóríte a Ts'ib'onrró yo tee k'o ni dyenje ra b'ós'í, tee ngeje k'o ni nuu nu B'épji na neje k'o ch'uní k'o dyórpíji mba sóo ro juajniji.
- b) **CIEPS:** Ngeje nu ni chjuu Consejo de Investigación y Evaluación de la Política Social.
- c) **Comité:** Ngeje nu Comité de Admisión y Seguimiento, k'í ra ngeje nu Comité de Selección y Asignación de Becas.
- d) **Convocatoria:** Ngeje nu xiskömí arkete k'o uní sjétsi nu Comité neje nu Secretario de Educación k'í Presidente nu Comité, k'a juns'í ja ri tsjaji neje pje ri ch'uníji pa sóo ri nrrónjó nu Beka k'í uníji, k'o ni pjongíji ka nu sibi.
- e) **Instancia Ejecutora:** Ngeje nu Unidad de Planeación, Evaluación y Control Escolar, k'í ni mbós'í nu Subsecretaría de Educación Básica.
- f) **Instancia Normativa:** Ngeje nu Comité.
- g) **Instituciones educativas:** Ngeje yo ngunxórí k'o jara a Ts'ib'onrró, k'o ni mbépiji yo jñíni.
- h) **Ley:** Ngeje nu Ley de Educación del Estado de México.
- i) **Medio de entrega:** Ngeje nu ja ra ch'uníji yo meryo yo tee k'o ni dyenje ra b'ós'í, k'o ngeje ri mama nu Ngunb'épji Arkete.
- j) **Padrón de Personas Beneficiarias:** Ngeje xiskuama k'a kis'í yo trjuu yo tee ni dyenje ri nuu nu B'épji na.
- k) **Personas Beneficiarias:** Ngeje yo xórí k'o ch'uní na joo k'o dyórpíji pa sóo ro juajniji neje ngeje yo tee k'o ni nuu nu B'épji na neje sóo beka.
- l) **Programa:** ngeje nu ni chjuu Programa de Desarrollo Social "Beca EDOMÉX Olimpiada del Conocimiento Infantil".
- m) **Reglas de Operación:** Ngeje yo Reglas de Operación del Programa de Desarrollo Social "Beca EDOMÉX" Olimpiada del Conocimiento Infantil".
- n) **SEDUC:** Ngeje nu Secretaría de Educación nu Arkete a Ts'ib'onrró.

4. Nuk'oo nee ra tsjaji

4.1. Nu ni textjoji

Ri yepe ri nuji k'o kjaa yo tee k'o nrrónjó k'a nu Concurso Olimpiada del Conocimiento Infantil, nreze mi 2012 ta ngeje ma ra nguarí nu B'épji neje yepe ri nuji yo xórí k'o sóo nu beka k'o pjós'íji to ni ngikítoji na joo nu sjórí.

4.2. Yo ni ngetjo

- Ra ch'uní beka yo xórí k'o nrrónjó k'a Concurso de Olimpiada del Conocimiento Infantil.
- Ra mbós'í ri mótoji neje ri ngins'íji na joo yo sjórí k'a otr'í, k'a yeje, k'a nree nara neje ndasjóri yo xórí.

5. Textjo yo tee k'oo nuji

5.1. Yo tee k'o b'ós'i

Textrjo yo xóri k'a ngunxóri k'a jñiñi o dya ri ngeje.

5.2. Tee k'o sóo ri b'ós'i

Texttrjo yo xóri k'a ngunxóri k'a jñiñi o dya ri ngeje nuk'a ngunxóri jara a Ts'ib'onrró, a B'onrro neje ni textrjo.

5.3. Tee k'o ni dyenje ra b'ós'i

Textrjo yo xóri k'a ngunxóri k'a jñiñi o dya ni ngeje nuka ngunxóri jara a Ts'ib'onrró, a B'onrro neje ni textrjo, k'o:

- a) Nuk'o xóri nu ñ'anto kjée a Ts'ib'onrró neje o trójnjóji k'a Concurso de Olimpiada del Conocimiento Infantil 2022; o
- b) Nuyo otr'i ba nrrónjó k'a nu Concurso del Conocimiento Infantil a Ts'ib'onrró neje to xi kjikítjoi ma joo sjóri un 9'0 nzi ri mbĩri k'a 0 ta nu ngeje 10 ta ngeje ri kjuatĩ yo ndasjóri.

6. Yo tee k'o ni dyenje ra b'ós'i

Yo Jñiñi nuk'a xóri neje kanra yo Ndónjó nuk'a Olimpiada del Conocimiento Infantil a Ts'ib'onrró.

7. B'ós'i**7.1. Pjeko ni b'ós'i**

Ngeje d'aja b'ós'i meryo k'o natjo ri uniji yo trónjó nuk'a Olimpiada del Conocimiento Infantil 2022.

Ngeje d'aja b'ós'i meryo tsjema tsjema ni uniji yo xóri yo trónjó nuk'a Olimpiada del Conocimiento Infantil k'o to xi xóritjoi neje kjiki 9.0 nzi ri mbĩri 0 ta nu 10.0 nzina nzina kjésjóri, ta ngeje ma ri ngins'i nu ndasjóri, nzi ra mama nu Jmama 27, ni ts'ab'i XXI bis nuk'a Ley de Educación del Estado de México.

Yo meryo k'o kjaa pa ri tsjaji ri s'od'iji k'a mu B'épji na, ra ngeje nzi ra uniji sjétsi nu Arkete a Ts'ib'onrró k'o sód'i k'a kjée neje ri ts'ontr'i k'a nzi mama nu Ngunb'épji Arkete .

7.2. Ja ni b'ós'i

Yo b'ós'i ri ngot'itjoi akjanu, k'o ni dyenje ka arkete a Ts'ib'onrró neje ri ngóntr'i trexe nu Arkete a Ts'ib'onrró, ni ngeje nu Secretaría de Educación neje dyapje ri ngontr'i yo tee ni dyenje ra b'ós'i.

- a) \$5,000.00 (Tsich'a mil mbexo 00/100 M.N.) k'o nrrónjó k'a Olimpiada del Conocimiento Infantil 2022, k'a natrjo ni ngetrjo ri ngetrjo ri ts'ontr'i.
- b) \$10,000.00 (Dyech'a mil mbexo 00/100 M.N.) k'o otr'i ba nrrónjó, ma ngetrjo to xi kjikítjo 9.0 nreze 0 ta nu 10.0 k'a natrjo ri ngetrjo ri ts'ontr'i.

8. Ja sóo ri ngich'iji**8.1. Yo tee k'o ni dyenje ra b'ós'i**

Yoxóri k'o otr'i ba nrrónjó k'a Concurso de Olimpiada del Conocimiento Infantil.

8.1.1. Ja ri ngejmetjoi

Yo xóri k'o otr'i ba nrrónjó k'a Concurso Olimpiada del Conocimiento Infantil a Ts'ib'onrró, to xi ri ngikítjoi 9.0 nreze ka 0 ta un 10.0 ta ngeje ri ngins'i yo ndasjóri pa sóo xi ri ngejme k'a B'épji na.

8.1.2. Nuk'o ch'unī neje ja ri Juajnīji**8.1.2.1. Ja ni juajnīji**

- a) Yo xóri k'o otr'i ba nrrónj'ó k'a nu Concurso Olimpiada del Conocimiento Infantil 2022 k'o xóriji a Ts'ib'onrró.
- b) Yo x'ri k'o otr'i ba nrrónj'ó k'o to xi kjikiji 9.0 nreze 0 ta nu 10.0. Yo sjóri xi na matjo neje dya ri dyokiji.

8.1.2.2. Nuk'o ch'unīji

Yo xiskuama:

- a) Nu t'óri ri uniji b'ós'i meryo un xóri k'a nu Arkete a Ts'ib'onrró (Gobernador);
- b) Nu xiskuama k'a juns'i nu trjuu nu xóri;
- c) Nziyojo jmicha (ñinte);
- d) Nu xiskuama k'a juns'i ja jara ngumī (juns'i xiskuama kjóntr'i sibi, jñajesibi, kjóntr'i nreje, kjóntr'i juajma, cable) dya nda ri jens'e d'aja kjéé o xiskuama juns'i k'a jara nu ngumī k'o pjons'i nu arkete ni dyenje ra xos'i, ma ngextrjo ma dya trjéé yo dyaja xiskuama;
- e) Nu xiskuama k'a mama o ngins'i nu otr'i sjóri;
- f) Nu xiskuama k'a juns'i k'o pjong'i mo ngins'i nu ñ'anto kjéé;
- g) Nu xiskuama k'a juns'i o nrrónj'ó nu Olimpiada del Conocimiento Infantil;
- h) Nu IFE o ne INE nu nana, nu tata o nu chéxte, ma sóo ri ngeje xiskuama k'a mama ngeje angeze;
- i) Nu xiskuama k'a juns'i ya jñus'i nu trjuu k'a sjóri ri tsjaa;
- j) Nzi ra nguar'i nu kjésjóri, ri ch'unī nu xiskuama k'a juns'i to bészhe k'o ngik'i k'a nu kjéé;
- k) Yo xiskuama k'o ri mama nu Ngub'épji Arkete.

8.1.3. Ma ri jñus'i nu trjuu

Ma ri jñus'i nu trjuu ra ngeje nu Ngunb'épji ni dyenje, nzi ra mama k'a xiskuama ri s'ojni.

8.1.4. Yo xiskuama

Nuk'o ri nee nu Ngunb'épji Arkete, nzi ra ngeje, yo jmama k'i, ma ri ngeje, ri mbejñe nu Nugunb'épji Arkete.

8.1.5. Ma ri jmurīji yo Xiskuama yo Tee k'o ni Dyenje ra b'ós'i

Nu Ngunb'épji ri Tsjaa ra jmurī neje ra tsjapī kja ri tsjaa un Padrón de Personas Beneficiarias nzi jñuns'i k'a Jmama 92 ni ts'ab'i XIV, ni maa p) k'a un Ley de Transparencia y Acceso a la Información Pública del Estado de México y Municipios neje yo Lineamientos y Criterios para la Integración y Actualización de los Padrones de las Personas Beneficiarias y para la Administración del Padrón Único de Personas Beneficiarias de los Programas y/o Acciones de Desarrollo Social del Gobierno del Estado de México, nzi ra ngeje yo dyaja kjuanzakī ri jmama.

8.1.6. Yo Kjuanzakī yo Tee k'o ni Dyenje ra B'ós'i

- a) Ri nzhóteji nu beka k'o ch'uni;
- b) Ri sjipji ja ja bi nrrónj'ó mo dyóri nu beka;
- c) Ri zóo nu beka textjo nu paa ni sjipji, ma ri tsjaa k'o ni dyenje ra tsjaa nzi ra mama k'a yo Reglas de Operación;
- d) Ri jnuu na joo, nzi ri ngeje ni chjétjoji neje dya ri jnuu na s'oo ma ri tsjaa yo xiskuama;
- e) Ri kjuarpī neje dya kjo ri xipji nu jmamats'éjé;
- f) Ra sóo ri dyenje ra ch'unī ka dyaja ngunb'épji arkete; neje

g) Yo dyaja k'o ri mama nu Ngunb'épji Arkete.

8.1.7. Nuk'o ni Dyenje ra Tsjaa yo Tee k'o ni Dyenje ra B'os'i

- a) Ri mimi na joo;
- b) Ri un'i jmama k'o dyórpíji nu Ngunb'épji Arkete, nzi ra mama k'a yo Reglas de Operación;
- c) Ma dya ri tsjaa nuk'o ni dyenje ra tsjaa, ri un'i tr'opji k'a nu Coordinación Estatal del Concurso Olimpiada del Conocimiento Infantil, k'o dya kjapí ri tsjaa nuk'o ni mdyenje ra tsjaaji, ri mbejñe k'o un'i;
- d) Ri tsjaa nuk'o nzi ra jñuns'i k'a yo Reglas de Operación;
- e) Nzina nzi na ri nguaji un kjésjóri, ri un'i naja xiskuama k'a juns'i yo b'ezhe k'o ngikí, k'a ri zas'a 9.0, nrreze nu 0 ta nu 10.0; neje
- f) Yo sjóri ri ngeje dya ri jyézi neje dya ri dyokí.

8.1.8. Ma dya ri Tsjaa na Joo

- a) Ri s'od'i dyaja xiskuama k'o ch'uní pa ri un'iji nu beka;
- b) Ri un'i jmama k'o dya kjuana pa ri ch'uní nu beka;
- c) Pjekó nda ri tsjaa na sóo k'i sóo ri sis'i a pjóri;
- d) Ri dyéé naja tee o ri zad'i yo dyojui k'a ngunxóri, yo xónpíte, yo arkete sjóri;
- e) Ri dyokí nu sjóri neje dya ri mama ma ya ri kjogí ñ'anto zana;
- f) K'o yo b'ós'i ri un'iji ra tsjaa b'épji k'o dya ni dyenje nu B'épji nzakja ma ra mb'ós'i tee k'i nee pjeko ri dyenseji, nzi ra ngeje naja partido político, ri móji o ngeje ri nats'éje;
- g) Ma dya ri tsjaa nuk'o mama k'a yo Reglas de Operación; ñeje
- h) Dya ri mbejñe yo xiskuama k'o nzi ra mama k'a yo Reglas de Operación pa sóo ri un'iji un b'ós'i.

8.1.9. Ja me ri Zib'iji yo Tee ni Dyenje ra B'ós'i

8.1.9.1. Ma ri tr'okuí neje ri Nguarí un Beka

- a) Dya ri tsjaa nuk'o ni dyenje ra tsjaa nzi ra jñus'i k'a yo Reglas de Operación;
- b) Dya ri tsjaa yo dyaja nzi ra jñus'i k'a b'ezhe 8.1.8 nuk'a yo Reglas de Operación;
- c) Ma ri jyézi nu beka nu tee k'i ni b'ós'i ri dyopji neje ri mbejñe naja xiskuama;
- d) Ma ri dyokí nu sjóri;
- e) Nuk'o dya juns'iba ri zóniji ri xipjiji nu Comité de Admisión y Seguimiento.

Ma ri dyokiji nu beka ma dya tsjaa nzi ra mama yo Reglas de Operación mama, ma dya ch'uní nu b'ós'i, ri nzhokí texto nzi ra mama nu Ngunb'épji Arkete nu B'épji na, k'i ra ngeje ri dyenje ra tsjaa pa sóo ri nzhokí k'o ch'uní.

8.1.9. Nuk'o ni dyenje ri tsjaji

Xi ri sis'itjo nu sjóri dya ri dyokí nuk'o kjikí 9.0 nrreze nu 0 ta nu 10.0.

8.2. Ma ri ngins'í nu sjóri nu Tee ni B'ós'i

Ma ea ngins'í o sjóri yi tee b'ós'i beka ri ngeje ma ra ngins'i yo ndasjóri o licenciatura.

9. Yo Ngunb'épji pjóxte ni pépjiji

9.1. Ngunb'épji Arkete

Nu Comité k'i ni dyenje ra tsjaa ri maa na joo nu B'épji neje sóo ri mbara yo Reglas de Operación.

9.2. Nu Ngunb'épji ni Dyenje ra tsjaa nu b'épji

Nu Secretaría de Educación nzi ra ngeje nu Subsecretaria de Educación Básica ra ngeje ni dyenje ra tsjaa ja ri nuu, ri jyokí b'épji neje ri nuu ja me ga maa nu B'épji.

9.3. Ngunb'épji ri Tsjaa

Nu Unidad de Planeación, Evaluación y Control Escolar, k'í ni dyenje k'a Subsecretaría de Educación Básica ri ngeje ra tsjaa nu B'épji.

9.4. Nu Comité de Admisión y Seguimiento

9.4.1. Jmuríji

Sóo ri m'arí nu Comité de Admisión y Seguimiento k'a nu Comité de Selección y Asignación de Becas, k'a ri ngaa

- I. Naja Presidente, k'í ri ngeje nu Arkete Secretaría de Educación;
- II. D'aja Secretario, k'í ra ngeje k'í sis'i nu Dirección General de Administración;
- III. Dych'a yeje k'o ni mbarpa:
 1. Ri ngeje k'í sis'i nu Subsecretaría de Educación Básica;
 2. Ri ngeje k'í sis'i nu Subsecretaría de Educación Media Superior;
 3. Ri ngeje k'í sis'i nu Subsecretaría de Educación Superior y Normal;
 4. Ri ngeje k'í sis'i nu Subsecretaría de Administración y Finanzas;
 5. Ri ngeje k'í sis'i nu Dirección General de Finanzas;
 6. Ri ngeje k'í sis'i nu Dirección General de los Servicios Educativos Integrados al Estado de México;
 7. Ri ngeje k'í sis'i nu Vocal Ejecutivo del Consejo Estatal para el Desarrollo Integral de los Pueblos Indígenas del Estado de México;
 8. Ri ngeje k'í sis'i nu Dirección General de Cultura Física y Deporte;
 9. Ri ngeje k'í sis'i nu Dirección General del Instituto Mexiquense de la Juventud;

Nuk'í pama pama ri b'ib'í:
10. Ri ngeje k'í sis'i nu Órgano Interno de Control de la Secretaría de Educación;

Nuk'í ri zojní nu Presidente:
11. Ri ngeje d'aja tee k'í mbarpa k'a nu Universidad Autónoma del Estado de México; neje
12. D'aja tee k'í mbarpa naja Ngunxórí yo Ndaxórí k'a jñiñi a Ts'ib'onrró.

Nzina nzina tee ni ngaa k'a Comité sóo ri jñuns'í naja k'l ri mbarpa, nu b'épji k'í dyapje ts'ontr'í.

9.4.2. Ma ra jmuríji

Yo tee ri ngaa k'a Comité sóo ri ñaa neje juajní, nzi dya ri ngeje k'í sis'i Órgano Interno de Control k'a nu Secretaría de Educación neje nu Secretario, k'o ngextjo sóo ri ñaa.

Nu Comité ri jmurí nzina nzina ni jñii zana neje ma iyo ma ri neji.

Nuk'o ri ngejmeji ma ra jmuríji k'a Comité ri tsjokíji ma ra ngaraji na punkjí, ma ri chjétoji, ngeje nu

Presidente k'ĩ sóo ri unĩ rimbas'ĩ nu dyéé.

Nu Secretario ra zojniji ri jmuriji k'a nu Comité, ma otr'ĩ ri yepa p a ri jmuriji ma jiyo ma otr'ĩ ri zĩni dyote nzyojo ndame.

Yo s'ojni ri jmuriji nu Comité ri tr'opji o ka correo sibi k'ori b'ejñe nzina nzina yo ni ngaa neje k'a ri mamaja je ngekua, nu paa neje ni ndame ma ri jmuriji, k'a s'ojni ri mébi ko naja Orden del Día.

Pa sóo na joo ri tsjaji yo jmurĩ k'a nu Comité, sóo ri ngara nrree neje naja, po mar i b'ib'ĩ nu Presidente, nu Secretario o k'o parpa neje k'ĩ sis'i nu Órgano Interno de Control k'a nu Secretaría de Educación neje k'o ni mbarpa.

Nu Secretaría nu Comité ra xos'ĩ xiskuama nzina ni jmuriji, ri dyis'iji k'o ni ngejmeji, nuk'o ri nguexeji yo trjuji k'o ni ngara mo jmuriji nu Comité neje ri xórji ma yepe ri jmuriji.

9.4.3. Nuk'o ni dyenje ra tsjaa nu Comité

Ngeje ri dyenje ra tsjaa nu Comité:

- a) Ri mama ja nzii neje ja ri zas'a k'o ra uniji k'a beka, ja ri kjaa, pje ma sjóri paa neje ja je xóri, nzi ra kjaa nu meryo;
- b) Ri mama neje ri nuu ja ri pjons'iji nu s'ojni pa ri ch'uniji yo beka;
- c) Ri mama ja ri ch'uní yo beka, ma ya otr'ĩ bi yo tróri k'o ch'uní yo tee orí;
- d) Ri mama ja ba nuji pa ri ch'uniji yo beka;
- e) Ri jyokí k'o dya ri ngejmeji ri neji k'o mama yo tee kó sóo ba nutp'iji na sóo yo kjuanzakí;
- f) Ri mama ja ba pórji yo Reglas de Operación neje yo Lineamientos Generales del Comité de Selección y Asignación de Becas, pa ri tsjapiji ri maa na joo neje ri nuji nu B'épji;
- g) Ri jyokí neje ri mama k'o dya juns'ĩ k'a yo Reglas de Operación.
- h) Ri mama yo dyaja jñaa k'ó sóo ri mbaraji neje nuk'o ri mama nu Comité, pa mama ri tsjaji na joo yo Reglas de Operación; ñeje
- i) Yo dyaja k'o ri jmama sóo ri tsjaji.

10. Ma ja ri Pépji

a) Nuyo nrrónjó nuk'a Concurso Olimpiada del Conocimiento Infantil kjéé 2022.

- Ne Arkete a Ts'ib'onrró ra pjons'ĩ nu s'ojni ma otr'ĩ ya bi mama nu Comité, k'a ri jñus'ĩ ja ri tsjaji neje ja ri nrrónjó nu beka neje ri pjons'iji ka sibi (electrónico);
- Nu Coordinación General de Delegaciones Federales de la SEP ra unĩ yo sixkuama k'a kis'i yo trjuu k'o nrrónjó nu Olimpiada del Conocimiento Infantil k'a nu Delegación Federal nu SEP a Ts'ib'onrró, k'ĩ ri unĩ Instancia Responsable;
- Nu Ngunb'epji ni dyenje ri tsjaa ra unĩ nu xiskuama k'a juns'ĩ yo trjuu Instancia Responsable ri tsjaa neje ri unĩ yo ts'ontr'ĩ;
- Nu Instancia Ejecutora ra tsjaa nuk'a Instancia Responsable ri pjons'iji yo ts'ontr'ĩ ko naja xiskuama ri xaxí k'a ri xaxí nu Subsecretario de Educación Básica.
- Nu Instancia Normativa ri mama ja ri ch'uní yo b'os'ĩ, ñeje
- Nu Instancia Ejecutora ri zojni yo tee k'o ri b'ós'i ri mbaraji pje ma paa neje ja ngekua ri ch'uniji yo b'ós'i.

b) Nuk'o nrrónjó k'a Concurso de Olimpiada del Conocimiento Infantil nuk'o otr'ĩ ba kjaa ri mbés'iji nu b'ezhe

k'o kjikiji nzo ri gejextrjo 9.0 nreze nu 0 ta nu 10.0.

- Yo tee k'o ni b'ós'iji ri jizhi nu xiskuama nuk'a juns'i xi matjo ni ngiki nu b'ezhe 9.0 nreze k'a 0 ta nu 10, kjéjóri k'i k'a kjogí, k'i uníts'éji yo xiskuama k'o t'órpí o ni ngeje k'a vía electrónica k'a nu Instancia Ejecutora.
- Nu Instancia Ejecutora ri tsjaa k'a Instancia Responsable ri pjons'iji yo ts'ontr'i ko naja xiskuama k'i ri xaxi Subsecretario de Educación Básica.
- Nu Instancia Normativa ra mama ja ri ch'uní yo b'ós'i; ñeje
- Nu Instancia Ejecutora rixipji yo tee k'o ni b'ós'i ri ngejmeji pje ma paa neje ja ngekua ri ch'uní yo b'ós'i.

11. Ja ri tsjokiji

Yo ngunb'épji k'o pépji ra mama ja ri pjóxteji pa ri tsjaji na joo nu B'épji, nzi ra kjaa dya ri ts'as'i yo dyaja b'épji un Arkete.

Ra sóo jmurí pjóxte ri tsjaji yo b'épji, ko dyaja ngunb'épji arkete a B'onrró, a Ts'ibonrró neje k'a Jñiñi, pa ri b'ós'i ri tsjaji nu B'épji.

Nu Secretaría de Educación ra sóo tsjaji ri ngejmeji k'o ri neji, pa ri ngins'iji nu B'épji.

12. Ja me ga ri pjóxteji yo tee k'a jñiñi

Ri matr'iji naja k'i ri mbarpa naja Ngunxóri Ndasjóri nu a Ts'ib'onrró, k'a ri b'ib'i nzakja naja Vocal k'a Comité.

13. Ma ri pjongí ri chíniñi

13.1. Nuk'a ja ri Chíniñi

Ra tsjaji nzi ja ri pjons'i nu Instancia Normativa.

Nuyo Reglas de Operación sóo ri pjons'iji nuk'a Periódico Oficial "Gaceta del Gobierno" neje nuk'a web nu Secretaría de Educación <https://seduc.edomex.gob.mx/becas>. Nzi ra jñus'i k'a Jmama 18 k'a nu Ley de Desarrollo Social del Estado de México, trexe yo xiskuama k'o ri tsjapíji ri pjongíji neje ri pjons'iji nu B'épji, k'i ri jñus'i nu jmama:

“NU B'ÉPJI NGEJE NI MBARA YO TEE, RI N'AÑO PARTIDO POLÍTICO, DYAPJE SÓO N'AÑO RI TSJAJI NU DESARROLLO SOCIAL, MA KJOKO N'AÑO RI TSJAPĪ YO MERYO NU B'ÉPJI NA, RI NZHÓJI NEJE RI S'ÍB'Ī KA YO ARKETE NZI RA MAMA NU KJUANZAKĪ”.

Yo Reglas de Operación ri pótriji k'a jña a yo tetjo k'a jñiñi a Ts'ib'onrró.

14. Ja ri m'arí na joo

Nu Secretaría de Educación ri mb'es'i yo jmama nu B'épji nzi ra mama k'a nu Ley de Transparencia y Acceso a la Información Pública del Estado de México y Municipios, k'a sóo ri nuji k'o nzi ra mama k'a yo kjuanzakí ri kjuatí k'o ni mbés'i yo tee.

15. Ri nuji ja ni tsjaji

Ri ja ga ni nuu mbes'é nu B'épji neje ri uní nzhóo k'a nu Instancia Normativa.

16. Ri nuji ja ni mbes'e ni tsjaji**16.1. Ri jnuu a trjii**

Ra sóo ri nuu (ja ni tsjaji, ja ni mbépjiji, k'o ri joo), k'a ni pjóxte nu CIEPS, k'í kjapí ri joo nu B'épji.

16.2. Ri uniji nguénda k'o tsjaji

Nu Instancia Ejecutora tsjema tsjema ri uní naja nguénda nu Comité, nzakja nu CIEPS ma ja ri tsjaji nu b'épji ma ra nguarí ri ts'óntr'i.

17. Ri m'arí, ri Jnuu neje ri B'óri

Nu ni m'arí, ni jnuu nejee ri b'óri ri dyenje ra tsjaa nu Órgano Superior de Fiscalización del Estado de México, nu Secretaría de la Contraloría del Gobierno del Estado de México neje nu Órgano Interno de Control nu Secretará de Educación.

18. Yo kóxte neje yo nzhóji

Yo kóxte, yo nzhote o yo xipjiji ri tsjaa k'a nu B'e'pji sóo ri jizhiji k'a:

- a) **Jñajesibi:** Nu Sistema de Atención Mexiquense SAMTEL: 800 720 02 02 o k'a 800 711 58 78. Nrzezera nonixi ta ngeje ma ra mbénéxi, ma ri zini 9:00 ta nu ngeje 6 ri nzhaa.

070 nuk'a Jñiñi a Zimi 800 696 96 96 textjo nu paa, yo 365 paa nu kjée.

Jñajesibi: 722 2 75 76 90, 7222 2 75 76 k'a na maja 6581 ñeje 6616.

- b) **Ma ri b'intrjo:** Nuk'a Órgano Interno de Control de la Secretaría de Educación, k'í jara k'a a Av. Hidalgo B'ezhe 104, naja jyaskumí, Col. Centro, Código Postal 50000, Jñiñi a Zimi, sóo ri ts'ich'i a Aldama B'ezhe 100, jñajesibi 722 21 33117 neje 7222 21 80 41. Nrzeze ma nonixi ta nu mbénéxi ma ra zini 9:00 ta nu 6 ri zini ma ra nzhaa; o k'a nu Secretaría de la Contraloría ni Arkete a Ts'ib'onrró.

- c) **Nuk'a jñajesibi ni dyini:** Nzi ra ngeje k'a "Denuncia EDOMÉX", k'í ni dyenje ra tsjaa nu Secretaría de la Contraloría nu Arkete a Ts'ib'onrró.

NUK'O NI KJOGITJO

NI NAJA. Pjos'iji nu Acuerdo k'a Periódico Oficial "Gaceta del Gobierno".

NA YEJE. Nu Acuerdo na sóo ri ngich'i ma ra jyas'in n paa ri pjons'iji k'a nu Periódico Oficial "Gaceta del Gobierno".

NA JÑII. Yo Reglas de Operación ri pjos'iji trexe pa ri m'arí na joo.

NA NZIYOJO. Nuk'o dya juns'iba k'a yo Reglas ngeje ri jyokí nu Instancia Normativa.

O Ch'uní k'a Jñiñi a Zimi nu Lerdo, Jñiñi a Ts'ib'onrró, ni jñite naja paa nu otr'i zana nu kjée 2022.-E **GERARDO MONROY SERRANO, SECRETARÍA DE EDUCACIÓN DEL GOBIERNO DEL ESTADO DE MÉXICO.-**

"Nujnu B'épji ngeje ri m'arí k'a jñiñi, k'a ri n'año yo partido político. Dyakjo pje sóo n'año ri tsjapíji k'o dya ni ngeje nu Nata yo Jñiñi. Ma kjoko dya ri tsjaa na joo yo

meryo nu B'épji na ri nzhóji neje ri zib'iji k'a yo jmii yo arkete nzi ra jñus'í k'a nu Ley".